

Յիրափ, Յուլիս ամիսը ճակատագրական ամիս է բազմաշարժար Արցախի պատմության մէջ: 1921 թուականի Յուլիսի 5ին հայ եւ օտար բոլշեփկները մի պարզ քուտարկութեամբ որոշեցին հայոց Արցախը թողնել համայնավարական Ադրբեջանի կազմում: 1991 թուականի Յուլիսի 16ին 142 պատգամատուրներ, հայ պատգամատուրներ, երեսնում նոյնը կատարեցին: Բացառուած չէ, որ պատմաբանները այդ օրը պարզապէս կհրակեն որպէս պանծալի Արցախեան շարժման վախճանի օր:

...Թում է իսպառ կորցրել ենք զարմանալու յատկութիւնը, բայց, իրօք, դա մեզ միայն թում է: Որովհետեւ ինչպէս չզարմանաս, երբ Յուլիսի 15ին ընդունուած ՀՀ ԳՆ որոշման փոխարէն յաջորդ օրը, այսինքն՝ Յուլիսի 16ին, ընդ որում առանց խղճի խայթ զգալու, ապաւինած բոլշեփկեան ասանդոյթին, թէ մի շարք պատգամատուրներ առաջարկել են՝ բանաձեփն, առաջարկում են փաստաթուղթը վերանուանել յայտարարութիւն: Իսկ յայտարարութիւնը անհասցէ է եւ պատասխանատուութիւնից խուսափելու ձեւ է: Եւ ինչպիսի խղճուկ փաստարկ. անցած մէկ տարում ԳՆ եւ ԳՆ նախագահութիւնը միասին ընդունել են 45 յայտարարութիւններ եւ դրանք դիտուել են (իրօք, ինչպէս չզարմանաս) որպէս իրաւական փաստաթղթեր:

Եղան նաեւ ըմբոստացողներ՝ պատգամատուրներ Գետրոզ Մանուկեանը եւ Էդիկ Ղուկասեանը, բայց խորհրդարանը պարզապէս նրանց չպաշտպանեց, եւ քաղաքական լուծութիւնը իր դերը կատարեց:

Չի կարող չզարմացնել եւս մի հանգամանք: Եթէ պատգամատուրները Յուլիսի 15ին կարող էին ասել, թէ տեղեակ չէին, որ բանակցութիւնների ուղին տանում է Արցախը Ադրբեջանի կազմում թողնելուն, ապա ամսի 16ին նրանք այդ հնարաւորութիւնը ստացան: Բացելով խաղաքարտերը ԳՆ նախագահը պարզապէս շարադրեց բանակցութիւնների բովանդակութիւնը. ա. վերականգնում է մարզային խորհուրդը, բ. անցկացում են մարզային, տեղական եւ Ադրբեջանի ԳՆ ընտրութիւններ, գ. վերացում կամ վերանայում են Արցախի վերաբերեալ ընդունուած որոշումները (իհարկէ ոչ յայտարարութիւնները): Եւ այս քաղաքական սցե-

նարի համար Յուլիսի 16ին ձայն են տալիս 142 պատգամատուրներ:

Պատահական չեն պատգամատուրներ Սամուէլ Շահմուրադեանի եւ Սուրէն Զոլեանի վերջին ճիգերը՝ փրկելու Հայաստանի ԳՆ քաղաքական դէմքը, որովհետեւ, ինչպէս արտայայտուեց Շահմուրադեանը, այդ փաստաթուղթը զնահատուել է որպէս կապիտուլիացիայի ակտ: Բայց եւ նրա, եւ Զոլեանի առաջարկը՝ փաստաթղթում նշել Հայաստանի պատրաստակամութիւնը պաշտպանելու արցախահայութեան ֆիզիկական գոյութիւնը եւ շահերը, վճռականօրէն մերժեցին նախագահը եւ նրա առաջին տեղակալը: Չէ որ, իրօք, ինչպէ՞ս կարելի է պարտուողական փաստաթղթում ակնարկել պայքարի մասին՝ թըշնամին դա չի հասկանայ եւ չի ընդունի, իսկ մտածուած է այնպէս, որ Ադրբեջանը -հաւանի- ՀՀ ԳՆ ընդունած փաստաթուղթը:

Եւ այսպէս, խորհրդարանը կարող է ազատ շունչ քաշել. հոգեմաշ, քաղաքական իրավիճակը չկայունացնող (բայց ոչ Հ.Յ.Դ. պատգամատուրները) Արցախը մընաց անցեալում: Իսկ առջեւում նախագահի ընտրութիւններն են: Ի՞նչը կարող է աւելի հաճելի լինել, քան երբ զբաղուած ես զլխացաւանք չպատճառող հարցով. քննարկել եւ ընդունել օրէնք նախագահի կարգավիճակի մասին, նախագահի ընտրութեան կարգի մասին: Սրանք էին, որ

մտածուած ընդմիջումներով արտում էին Յուլիսի 16ի նիստի ընթացքում: Հայրենիքը վտանգի մէջ, իսկ մենք մէկս-միսին գերագանցելով արտասահմանեան փաստաթղթերի տեղեակութեան մէջ, սիրով քննարկում ենք ապահով երկրին բնորոշ խնդիրներից մէկը՝ նախագահի ընտրութեան խնդիրը:

Այսքանն էլ բաւարար չէ. քաղաքական եռանկիւնի կազմելու համար պահանջում է եւս մի խնդրի լուծում՝ դա դաշնագրի հարցն է: Եւ իրօք, չէր աւարտուել Արցախեան հերոսապատումի աւարտի արձանագրումը, երբ խորհրդարանին անմիջապէս պարտադրուեց դաշնագրի հարցի քննարկումը: Սա էլ է բխում կապիտուլիացիայի տրամաբանութիւնից:

Արցախը Ադրբեջանին վերա-

## 3ՈՒԼԻՍ 1921, 3ՈՒԼԻՍ 1991

← Սկիզբը էջ 2

դարձնելուց յետոյ (իսկ ասում էին, թե իրենք պարզապես նախընտրում էին պայքարի քաղաքական ուղին) հարկ է, որ կատարուի յաջորդ քայլը՝ դաշնագրի ստորագրութեան նախապատրաստութիւնը: Չէ որ Մոսկուայի պահանջը յստակ է՝ դաշնագրին Հայաստանը կարող է մօտենալ միայն առանց Արցախի: Ասել է թե Արցախը խանգարում էր ոչ թէ անկախութեանը, այլ միայն դաշնագրին:

Իսկ անկախութիւնը՝ կը հարցնի դեռեւս հաւասարակշռութիւնը չկորցրած մեր ընթերցողը կամ հայրենակիցը: Անկախութիւնն այսօր յայտնուել է Դաշնագրի եւ նախագահի ընտրութեան հարցերի միջեւ: Ինչպէ՞ս կարող ենք լրջօրէն հաւատալ հանրաքուէի հայրերին ու ջա-

տագովներին, երբ նրանք Օգոստոսի 16ից մինչեւ Սեպտեմբերի 16ը նախատեսում են նախագահի թեկնածուների առաջադրման համար, իսկ Սեպտեմբերի 22ից սիրով ստանձնում են ընտրարշաւի մասնակցի պարտականութիւնները: Հանրաքուէն պարզապես յայտնում է քաղաքական աքցանի միջեւ, իսկ հասարակական հոգեբանութիւնը նրան սկսում է ընկալել որպէս հերթական ներկայացում, բայց վատ ներկայացում, որին չեն ցանկանում շատ հանդիսատեսներ ներկայ գտնուել:

Ինչպէս ասում են, հանրաքուէն իր դերը կատարեց (այսինքն՝ թոյլ շտուեց 1991 թուականի Մարտին անցկացնել ՀՀ ԳԽ նստաշրջան, երբ Մոսկուայում գնում էին խորհրդա-թուրքական բանակցութիւններ) եւ նա պէտք է հեռանայ քաղաքական ասպա-

րեզից:

Այդպիսին են քաղաքական խաղի դաժան օրէնքները: Ասպարեզից հեռանում են ոչ միայն մարդիկ, այլեւ գաղափարները:

Մնում են հանրաքուէին ու անկախութեան գործընթացին անկեղծօրէն հաւատացող մեր համաքաղաքացիները: Նրանց սպասում է դառը հիասթափութիւն եւ...լաւ դաս՝ այսուհետեւ, առանց խորանալու բռունցքները վեր չպարգել ամեն խօսքի առթիւ, այլ խորամուխ լինել, թէ ասուածը հերթական գեղեցկախօսութիւն է, թէ՛ հայրենասիրական քայլ: Օրինակները չափազանց շատ են:

Իսկ Արցախը հաւատում է բոլոր նրանց, ում համար քաղաքականութիւնը խաղ չէ, իսկ հայրենասիրութիւնն էլ՝ գեղեցիկ խօսք եւ կեցուածք: Հայրենասիրութիւնը կոնկրետ վարքագիծ է: